

Klozem dqudrina maklena u berbozo du Virus d'Corona

I aykanoyutho bqashyutho kyerwo. U Virus d'Corona kmibarbez bu Swed u be britho kula. U virusano kcholeq kewo d'Covid-19. Lashan dmkalena u berbozo du kewo dqoyeth me ha lha, klozem kul nosho dmoyed i mshalutho dekneflo acle.

Hat hathe kiboch saymet:

- Lo zayret u ahel dketne sowe u hawrone. A noshe dketne bcumro dlalcel ma 70 eshne, bi qamayto henne bu qentone dkibe qathlen chayifo u kewo d'Covid-19.
- Hat dketat lalcel mu cumro da 70 eshne, ida dhowe lزابno yaricho ste, klozem dmanqeset a esore dkowe loch cama noshe hrene. Dmahiset ruhoch nayiho ste lo kowe demqadmet lnoshe.
- Hat dketat kayiwo, ida dhowe loch ste "eshmo shawbe" klozem dfayshet bu bayto. Bether med nayeh loch towo ste marheq u lo loqet noshe hol dlo foyet bu nquso tre yawme.
- Kmahiset bruhoch dketat kayiwo u klozam loch hyoro? Mtalfen lu mhawyono du hulmono bi numarathe 1177, lo ezoch baroyo li duktho dekmaqbeli a kayiwe. U mhawyono du hulmono gedmahwe loch ema, ayko u aydarbo klozem dmiher loch. Ida nafilet bqento ghalabe ciqo mtalfen li numarathe 112.
- Mahet bolo dtored tre metrawiye bayn loch u la noshe hrene i naqla dezoch ldukotho baroye, aw bmathlo hreno i naqla dhowet bgawed dukano aw bgawe du baso.

- Hzaqyo bas (baso aw qtoro) ida ghalabe muhimyo.
- Mashegh idothoch kul naqla bsafono u maye bu nquso hol 20 rfofe.
- Lo mbarbezet mawdconutho aw mamre dlo miri me darghe rushmoye.

A nacime nayihe klozem dezen li madrashto

A madershotho sharwoye u a ganath shabre di karkhutho d'Södertälje ftihe. U shutoso du hulmono komer, lashan dlo mibarbez u kewo, latyo sebbe a nacime hlime dfayshi bu bayto. Elo belhude a nacime dketne kayiwe klozem fayshi bu bayto.

A madershotho d'Södertälje mhalache cal darbe u shbile hathe dekmanfici lu kensho. Mathlo kibe dhowe u yulfono larwal ma sedre, u dmetre ruhqo bayn da yolufe bu zabno du muklo u du teshigho da idotho, u bzabne idice. Bu shekelano a yolufe kiben maydi u yulfono deklozem. Elo i madrashto trayonitho, u yulfono di senca gedsaymi yulfono me ruhqo.

Harke kiboch hozet mawdconutho calu Virus d'Corona

- Bi dafo krisinformation.se kiboch maydet mawdconutho ma darghe rushmoye.
- U mhawyono du hulmono 1177.se kette mawdconutho rwehto cala gedshe du Virus d'Corona. I naqla dhowet kayiwo, mtalfen bas li numarathe 1177.
- Ketloch shuwole gawonoye calu Virus d'Corona, lashan mawdconutho, mtalfen li numarathe 113 13.
- Harke bi dafo di karkhutho sodertalje.se/coronaviruset kiboch ste hozet mawdconutho bfilmat bleshone mshahelfe, mathlo b'Suryoyo, Araboyo, Finlandoyo, Englishoyo u Polonoyo.